

# সাইক্লোন সিডর পরবর্তী বাংলাদেশকে যুক্তরাষ্ট্র সরকারের দুর্যোগ ত্রাণ সহায়তা

কঙ্গোলিংসা রাইস  
পররাষ্ট্র সচিব, যুক্তরাষ্ট্র

ওয়াশিংটন ডিসি, ১৯শে নভেম্বর -- সাইক্লোন সিডর আঘাত হানার পর বাংলাদেশী জনগণের আশু প্রয়োজন মেটাতে সহায়তা করতে যুক্তরাষ্ট্র সরকার ব্যবস্থা সাড়া দিয়েছে। যুক্তরাষ্ট্র সরকারের অনেকগুলো দুর্যোগ মোকাবেলাকারী ত্রাণ সংস্থা ও দফতরকে এজন্য ব্যবস্থা নিতে বলা হয়েছে। এই বৃহৎ প্রাকৃতিক দুর্যোগের পর আমরা বাংলাদেশের জনগণের প্রতি আমাদের গভীর সমবেদনা জানাচ্ছি। আরো সহায়তা দিতেও আমরা প্রস্তুত আছি।

যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) সাইক্লোনের অব্যাবহিত পরই এক লক্ষ ডলার সহায়তা প্রদান করেছে এবং ত্রাণ ও পুনরুদ্ধার তৎপরতায় সাহায্য করতে বাংলাদেশের জন্য একটি পাঁচ সদস্য বিশিষ্ট দুর্যোগ নিরূপণ দল গঠন করেছে। এই দলটি মাঠ পর্যায়ে নিরূপণ করার জন্য স্থানীয় কর্তৃপক্ষের সাথে কাজ করে যাচ্ছে। আরো কোন্ কোন্ ক্ষেত্রে আমরা অতিরিক্ত কি কাজে আসতে পারি দলটি তাও সনাক্ত করবে। পানি ও স্যানিটেশন কর্মসূচির জন্য এবং দুর্গতদের আশ্রয় উপকরণ প্রদান করতে ‘ইউএসএআইডি’ জরুরি তহবিল থেকে আরো ২০ লক্ষ ডলার পাঠাচ্ছে। আক্রান্ত এলাকায় বর্তমানে যেসব মানবিক সংগঠন কাজ করছে এই তহবিল থেকে তাদেরকেও একটি অংশ দেওয়া হবে।

যুক্তরাষ্ট্রের সামরিক বাহিনী কিভাবে সর্বোত্তমভাবে এ অঞ্চলে সহায়তা দিতে পারবে তা নির্ধারণ করতে যুক্তরাষ্ট্র প্যাসিফিক কমান্ড বাংলাদেশের দক্ষিণ উপকূলে যুক্তরাষ্ট্র মেরিনের ২৩ সদস্য বিশিষ্ট একটি মানবিক সহায়তা জারিপ দল (হিউম্যানিটারিয়ান অ্যাসিস্ট্যান্স টিম) পাঠিয়েছে। বাংলাদেশে যুক্তরাষ্ট্র দুতাবাসের অনুরোধের প্রেক্ষিতে এই পদক্ষেপ নেয়া হয়েছে। আগে থেকেই বাংলাদেশে অবস্থান করছে এমন একটি সামরিক চিকিৎসা দল আহতদের চিকিৎসা সহায়তা দিচ্ছে। এছাড়াও, যুক্তরাষ্ট্র নৌবাহিনীর দু'টি জাহাজ ইউএসএস এসেন্স এবং ইউএসএস কিয়ারসার্জ -কে

বাংলাদেশের পথে রওনা দিতে আদেশ করা হয়েছে যাতে বাংলাদেশ সরকার সহায়তা চেয়ে  
অনুরোধ জানানোর সাথে সাথেই যুক্তরাষ্ট্র সামরিক বাহিনী উপযুক্ত অবস্থানে থাকতে পারে। এই  
জাহাজগুলো পাঁচ থেকে সাত দিনের মধ্যেই পৌঁছে যাবে। এগুলোর প্রতিটিতে ২০ বা তার অধিক  
হেলিকপ্টার রয়েছে যেগুলো চিকিৎসার জন্য লোকজনকে সরিয়ে নেওয়া এবং দুর্গত এলাকায় সমীক্ষা  
চালানোর জন্য ব্যবহৃত হতে পারে। কোন্ কোন্ গুরুত্বপূর্ণ উপকরণ ও সম্পদ বাংলাদেশে নিয়োজিত  
করা যায় প্রতিরক্ষা দফতর তা মূল্যায়ন করা অব্যাহত রাখবে।

যুক্তরাষ্ট্র ও অন্যান্য দাতারা সাইক্লোন সিডর পরবর্তী সময়ে অব্যাহতভাবে কাজ করে যাবে,  
তবে একথা বলতে হবে যে বাংলাদেশ সরকার ‘ইউএসএআইডি’-র সহায়তায় দুর্যোগ প্রস্তুতি ও  
প্রশ্মনের জন্য পূর্ব প্রস্তুতি গ্রহণ করায় সাইক্লোনের ক্ষয়ক্ষতি অবশ্যই কম হয়েছে এবং অনেক জীবন  
বাঁচানো সম্ভব হয়েছে।

=====

জিআর/ ২০০৭

**দ্রষ্টব্য:** এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষাটি  
পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮০৭১৫০-৮, ফ্যাক্স:  
৯৮৮৫৬৪৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) )  
যোগাযোগ করুন।